

VLADA FBiH
g. Nermin Nikšić
P r e m i j e r

PREDMET: Mjere za prevazilaženje društvene i ekonomske krize

Svjesni postojanja duboke društvene i ekonomske krize u BiH i njenih negativnih posljedica, po položaj najvećeg broja građana i privrednih društava, UP FBiH je napravilo prijedlog hitnih, srednjoročnih i sistemskih mjera koje mogu doprinijeti izlasku iz krize. Navedeni prijedlog rezultat je širokih konsultacija među našim članstvom, te predstavnicima privrednih komora, akademske zajednice, i javne rasprave na okruglom stolu, posvećene ovoj temi.

Ubjeđeni smo da su mjere koje se tiču, privlačenja investicija, poboljšanja likvidnosti, adekvatnog fiskalnog i privrednog ambijenta, suzbijanja kriminala i korupcije, smanjenja javne potrošnje, te podsticanje potrošnje, ključne za obezbjeđivanje konstantnog privrednog razvoja i otvaranje novih radnih mjesta. Samo ekonomski razvoj i novo zapošljavanje, mogu dovesti do poboljšanja socijalnog položaja građana.

Hitno preduzimanje predloženih mjera, mora biti praćeno i sistemskim rješenjima, na polju socijalne politike, koja će dovesti do bar minimuma socijalne pravde, ravnomjernijoj raspodjeli društvenog bogatstva i zaštiti socijalno ugroženih kategorija stanovništva.

Ukoliko Vlada uspije da postigne sinergetsku povezanost socijalno-ekonomskih partnera, pa i drugih društvenih kategorija, sigurni smo da će se socijalni standard i kvalitet života građana FBiH bitno poboljšati. U tom smislu želimo da damo vlastiti doprinos i spremni smo da se uključimo u impementaciju dogovorenih mjera koje bi, čim prije, dovele do promjene stanja.

Uvaženi premijeru, uvjeravamo vas da želimo da zajednički i predano radimo na unapređenju poslovnog ambijenta i novog zapošljavanja, a sve u cilju ublažavanja posljedica negativnih uticaja, koji su doveli do usporavanja privrednih aktivnosti i pogoršanog socijalnog položaja građana Federacije BiH,

U skladu sa gore iznijetiom dostavljamo vam „Prijedlog mijera za izlazak iz društvene i ekonomske krize“ i tražimo hitnu sjednicu ESV-a za područje FBiH. Takođe očekujemo da izvršna i zakonodavna vlast, te ESV, na svim nivoima, stalno zasjedaju i donose odluke koje će doprinijeti brzom izlasku iz krize.

U Sarajevu, 28.02.2014. godine

Predsjednik UO
Safudin Čengić S.R.